

續金華叢書



續金華叢書



白石山房逸稿

表勵準



甲春康宗校  
子永胡楸鋟

白石山房逸稿卷上

續金華叢書

浦陽張丁孟兼

郊禋慶成分得霄字四十韻

附宋太史濂序

皇帝自登大寶主百神卽有事於昊天上帝以仁祖淳皇帝  
配神作主於今五載弗懈益恭粵洪武壬子冬十一月辛酉  
日長至復邁其時前期丙辰上御奉天殿集臣工於庭告以  
誓命戊午出宿齋宮有司汜掃反土鄉爲田燭各戒具脩罔  
敢弗肅及期行事百辟卿士後先駿奔牲牷肥腍圭幣溫繖  
器用質雅酒齊苾芬樂舞具舉升禋上聞皇心內外質文兩  
盡上帝居歆福祿攸降旣竣事禮部尙書陶凱工部尙書黃  
肅工部侍郎牛諒晉府參軍熊鼎磨勘司令貝雲兵部郎中  
劉崧工部主事周子諒秘書監丞陶誼晉府錄事張孟兼吳  
府錄事吳從善咸謂皇帝升中於天國之大典幸際熙明與  
於執豆籩之列不可無篇什以紀慶成昭示萬世遂以唐詩

星臨萬戶動月傍九霄多爲韻各賦詩一章而屬濂序之濂  
聞郊社之禮始於有虞氏至周大備秦漢以來寢涉不經且  
惑於六天六帝之說莫之適從君國子民者亦罕能躬嚴祀  
事往往遣大臣攝之肆惟皇上一據禮經而洗千古之陋每  
歲親升泰壇昭事上帝恪恭寅畏有赫其臨陰歛陽舒降甘  
風雨覃及寰宇物無疵癘行見鳳凰降而龜龍假矣聲歌之  
發茲非其時乎昔者周人之誦所謂昊天有成命者郊祀天  
地也思文者后稷配天也二詩辭氣奧密卒未能曉然非卜  
商之序揭其宏綱後世何自而明之羣公之什優柔而雅馴  
整肅而泰豫足以美盛德形容而告於神明善言詩者謂其  
有得詩人之微旨所可媿者濂非卜商之識僭序作者之意  
君子其謂斯何雖然一代之成憲後王之所取法者其大概  
亦頗著見於間云是歲十有二月甲戌朔金華宋濂謹序

后德縣昌曆天心翊聖朝腥膻初滌蕩雲漢已光昭削僭功尤烈來



王化愈遙金陵誇地險玉燭羨時調甘露諸祥集嘉禾兩歧天升中  
酬昊帝殷薦配神堯五稔明禋肅千官縉禮饒歲將躔赤奮斗正指  
玄枵大報儀應飭長迎意更邵澤宮申誓命宣室稟章條法鼓雞人  
叫巾車太僕要祝融驅汜埽太乙引招搖蠹蠹旌常建祁祁旗旆飄  
三輿尊木輅八駿重華聊貔虎揚璇蓋神仙捧玉雕清飈傳警蹕紫  
陌覘冲鋒爾乃泰壇履因之衆殿超袞衣披日月皮弁映星杓薌合  
羣供炳鸞刀眾啟營貴誠呈繭栗尙質薦陶匏圭璧繽紛奠尊罍雜  
沓標大禱承黍稷廣樂備雲韶孤竹璫笙麗空桑錦瑟嘹九成看舞  
翟六變聽懸馨祝已將明信巫還告臚臚文真情並至儀果物俱遒  
聖慮尤無射臣心總不佻焄蒿神自凜肸蠁祉靡料烈祖咸蒸衍羣  
神徧悅嚙德馨瀾紫府仁饗徹丹霄天旣齋明假人因頌祝囂百昌  
歌日彩萬壽禱松喬景福穰穰降神休疊疊徽祥光凝輦轂協氣靄  
鑾鑣順備尤磅礴清寧更沆寥尊親懷血氣作睹罄傾翹嘉瑞麟遊  
數離喈鳳叶簫九圍精意塞重譯雅聲姚允矣三靈答悠哉百沴消

愚臣叨相禮諧尹繼賡謠

夜坐國學玉兔泉聯句

附宋太史濂序

洪武五年秋九月十有五日日入酉子與仲子璡過張錄事  
孟兼於成均秉燭對坐孟兼方命侍史汲玉兔泉瀹茗俄熊  
參軍鼎劉職方崧周虞部子諒皆集相與談詩至愜心處輒  
抵掌笑譁呂太常仲善聞之亦驩然來會既啜茗已孟兼出  
新造玉兔泉銘諷之且曰今夕何夕勝友如雲不可無以爲  
娛請舉泉聯詩何如眾皆曰然子年有一日之長俾題其首  
句餘則以次而續鬪奇據勝闕闕弗能休至二鼓詩成各擁  
衾就榻逮雞再號風雨淒迷僕夫載塗官事有程皆不告而  
散予亦騎驢去朝天矣明日孟兼將屬璡作小楷繫詩于銘  
左徵予爲之引於戲人事聚散如風中飛矢其回旋飄泊曷  
常有一定之踪今幸得與二三君子岸幘詠詩驪然而一笑  
豈非天哉然此七人之中楚產者大半獨子父子與孟兼居



越西相距僅半舍他時或後先投簪而歸支九節筇訪孟兼  
白石山房溯泳諸賢立霄漢上欲一見不可得取此卷閱之  
恍如聚首成均時寧不有慰於寂寥之鄉也耶孟兼子諒皆  
以字名熊君字伯穎劉君字子高子則南宮散吏金華宋濂  
也詩曰

成均地何靈聖澤資灌沃濂免奔兆奇微井渫廢新劇鼎自非三窟

深孰湛孟一川綠兼儲精本從金生色絕勝玉諒霜三蘼寒飲雪毳翻

夜浴松釀冽補酒經沐丹驗仙錄仲杵春蟾窟棄珠噴鱸堂觸璩孕

月生陰精觀天漏晴旭濂冰澄毛骨豎鑑徹鬚眉燭鼎魏名徒自奇

猶行穢難贖孟雖涵東郭狡難洗上蔡尋子引滿瓶未贏探幽縵頻

續崧流罌滲銀牀出竇濺瓊粟仲醉沃目暈花凍汲指連塚璩濡豪

乃自潤照影從人欲濂光沈天上魄祥啟地中躅鼎摘辭挹餘清盟

薦侑嘉告子劍刺非貳師池移豈身毒孟燕支媿淫陳鹽鹵鄙富蜀

不動疑窪雪頻搖笑風燾仲天光一眼開雲影片鱗束璩劇嚙覺

瘳瘵蹶足想彳亍

濂

鬻沸虎爪跑剝吸猿臂跼

鼎

潔土濯纓冠渴卒

卸刀襦

諒子

精當昂君降液或井宿督

孟兼

誰知鍾阜分脈與伊洛屬

崧

錫名爾固嘉戰句吾何局

善仲

聯將指鼎比疾勝擊鉢促

璩

驚風落鐙

燼斜月墜簷曲靈源詎能窮短詠聊可錄

濂

### 題義門

丁嘗因潛溪先生獲交於前太常博士鄭君仲舒仲舒之文

閎通博大汪洋無涖然一裁於理嘗語丁以爲文之道必根

忠孝性情之實而發然後可傳傳斯永久時丁初知爲文仲

舒一見奇之許以有就丁茲受知聖天子致榮膺累顯官於

文焉賴歸省丘隴道經義門謁仲舒之廬而宿焉仲舒間示

丁義門詩卷皆字內鉅公名文丁反覆詳玩赧焉瞠乎其後

迺聖天子澄清海甸廣勵學宮弘宣教鐸亟取君家義範垂

示來茲綸恩指日下矣丁賦短歌言之末簡願丁言何足爲

義門重庶丁名得藉義門以貽不朽爾里人張丁孟兼拜首

書

孝不遺厥親義不辭君役克全茲兩端稔足久雍睦世俗習澆漓君家仍樸遯世俗尙浮屠君家尊儒宿文章夙擅名道義素積蓄覃恩表閭門用是敦頽俗末學勉追隨步趨恐不足漫作短歌行聊以將頌祝

寄桃源鄭徵士

有序

予往山中時賦詩寄桃源鄭徵士有云桑麻別境仍雞犬曉夜空山自鶴猿今來江左每懷舊趣而不可得乃以二句析之爲韻賦古體十四首首六句覓便寄之且以表予之思云爾

桑字

我思桃源山林谷春晝長雲生石室靜花落泉水香笑我不歸客何年返耕桑

麻字

何年返耕桑與子種桃花山中尋白鹿石上看紅霞竟日得解后相  
從飯胡麻

別字

相從飯胡麻已與塵事絕致身在烟霞此心比冰雪便當賦歸來共  
話經年別

境字

共話經年別令人發深省悠悠感萍蓬戀戀依鄉井漫爾結茅屋遁  
迹桃源境

仍字

遁迹桃源境日對青峻嶒澗響驚夜雨雲寒沍春冰況此人事絕沈  
憂豈相仍

雞字

沈憂豈相仍浩然樂幽栖山空夜花落木密春鳥啼我厭朝市居鸞  
衣起聞雞

大字

攬衣起聞雞寤寐恆展轉懷親念已頻覲主顏覺覲欲尋舊離落聽  
吠山家犬

曉字

聽吠山家犬烟霞故深窈上拂穹宇高下俯人寰小冷然風露涼落  
月林關曉

夜字

落月林關曉白雲散幽舍翩翩笙鶴回冉冉神仙下中有好修人浩  
歌美清夜

空字

浩歌美清夜翩翩挾天風采芹碧澗底看弈青雲中洞口有霜瀑飛  
流落晴空

山字

飛流落晴空青雲上可攀念子冰雲姿媿我塵土顏長歌采芝曲白



雲滿前山

自字

白雲滿前山杳杳入蒼翠風清鶴在林夜靜月墮地惟有屋下泉汨汨來何自

鶴字

汨汨來何自泉鳴晝寂寞春暖澗草生鳥弄林花落山人盍歸來爲伴松間鶴

猿字

爲伴松間鶴松老枝葉繁石爛不復覺丹成竟忘言幽響亦何處雲蘿自啼猿

送童良仲歸蘭溪

嘗讀登科記猶憶庚子年君名乃亞魁眾口爭稱傳豈惟宗黨重亦爲閭里賢授官得要地尙爾客幽燕音書或問至途路動逾千不謂兵革起陵谷成變遷南北遂阻隔相望各一天我思曷快覩心若搖



旌縣君世居蘭溪我家浦水邊相去固甚邇雞犬聲相連胡爲萬里  
別不啻參商然人生出處異會晤實因緣去年朔方平君挈家南還  
相逢逆旅中把手話纏綿江城寒雨歇泥淖窮巷偏促席竟及夕翦  
燭夜忘眠或於風雪際圍爐擁青氈哦詩出險語欲壓石鼎聯君才  
十倍不顧我何能先譬諸麤糲女效顰媿妖妍又如低飛鳥斂翮避  
鷹鷂此情膠漆投此義金石堅還返僅半載慰藉肯棄捐興言久居  
此浩然鄉思牽今日旣得請促裝買歸船功名非吾事身世圖生全  
故山有敝廬讀書可終焉昔有釣游處西郊及東阡鄰翁縱談謔歲  
時羅酒筵匪學高尙隱實且脫憂煎聞之使我驚我亦思林泉我生  
素狂瞽竊祿徒備員幾欲乞歸養日夕心乾乾念君挽莫留告別一  
何遄探囊竟何有恰剩三百錢沽酒勸君飲爲君寫拳拳蒸雨急如  
洗薰風爽微肩到家可計程定及秋月圓

送鄭叔車還鄉

附蘇太史平仲序

浦江義門鄭君仲舒北仕於燕二十有餘年不聞問亦且十

於尊長往迎方燕之下也凡有仕籍者徙而處之汴京者有之徙而處之兩淮者有之挾而致之南京者有之而踪迹仲舒之所之言人人殊或言南京或言兩淮或言汴京又或言於時仲舒已解官不在行間仍留燕也然言之南京者十五六從者惑于所之叔車曰古之人尋其親也無方而獲見焉者多矣況吾父有方乎燕也汴也淮也南京也吾無不之焉則我父當無不見焉又奚惑乃行行次京口遣從者走南京訪焉比從者至於南京則仲舒之於南京也二日矣方卧病逆旅從者以告叔車叔車兼程而來仲舒見而悲悲而喜喜而不知病之去體也內交於仲舒之士僉曰仲舒幸哉有子如此真無忝義門子弟哉余竊以爲叔車之來子職也而其

事則殆有陰陽之者使叔車竟絕江如淮如汴如燕不先之以從者如南京至不至從何而知之先之以從者矣使仲舒

之至也。後一二日，則叔車亦且如淮如汴如燕矣。叔車行萬里外，而仲舒客南京，病卧而愁居左右，就養將仰之，誰哉？今仲舒斯息，肩弛擔而從者，邇至乃若期。然叔車遂得共爲子職，仲舒享其養而安焉。此非人也。天也。明年春，仲舒謀歸拜其先人墓，弗克命。叔車代之行。張孟兼氏與叔車居同邑，且親喜其能子也。爲詩以餞之，率諸縉紳和之，而屬予序之。

晚秋氣始肅，遠客早知寒。登臚越重河，長路浩漫漫。鄭君去故國，水宿更風餐。因茲構沈棉，伏枕在江干。昔年仕朝署，濟濟儀鸞鸞。有子長階庭，娟娟秀芝蘭。兵塵隔溫清，恨不生羽翰。流言日紛起，念之熱肺肝。燕山尙冰霰，汴水猶波瀾。旣憂滌隨闕，復恐衣裳單。未知親定所，豈憚行路難。願學朱壽昌，歷訪遍川巒。望雲朝屢悵，見月宵永歎。睽違十五載，夢寐何時安。一旦遇中途，兩眼共相看。阿兒悲且喜，搢淚不能乾。阿父病隨愈，傾倒爲汝歡。細詢盡故舊，相語夜向闌。幾人亂離後，骨肉能爾完。況乃四千指，舉族無一殘。會當返故里，高堂舞